

LIANG-TAH-GO SIAO-NYING  
〈亮塔個小人〉

KWU-Æ-TS P'ONG-DJOH BENG-YIU  
〈孤哀子碰着朋友〉

teng AO-HWE SHIH-HWÔNG KY'IN-TSAO  
等〈懊悔說話欠早〉

Keh sæn-peng siao Veng-shü z MO S-MEO SÔ-ZAO-GO  
箇三本小文書是慕師母所造個。

LONDON:

BRADBURY, EVANS, & CO., 11, BOUVERIE STREET.

1866.

LIANG-TAH-GO SIAO-NYING

## 亮塔個小人

Læ Da-ing nen-pin hæ-li yiu hyü-to tsiao teng sô keh-sing Yiu-sing tsiao yiu k'en-c'ih ing-we z  
來大英南邊海裏有許多礁等沙箇星。有星礁有看出，因為是  
do-go hæ-li c'ih-tong-go yiu-sing z k'en-feh-c'ih-go ing-we z shü-li meh-sah-go Keh-cü  
大個，海裏出東個；有星是看弗出個，因為是水裏沒煞個。箇株  
di-fông yiu do ngwe-hyin ziu-z joh-sih-go lao-da yia iao væn mao-bing 'o-hwông feh dzæ-'ông-go cü-kwu  
地方有大危險。就是熟悉個老大也要犯毛病，何況弗在行個主顧  
ih-p'ong-djoh keng-kô iao ngô-tsiao ts'in-sô jün ziu we tso-diao keh læ yia-tao z-'eo z yü-kô væn-kwæn  
一碰着更加要研礁淺沙；船就會做掉。箇來夜到時候是愈加犯關。  
Sô-yi læ keh-sing tsiao-go zông-teng pih-iao shih-lih kao-kao-go liang-t'ah læ liang-t'ah-go ting-den pih-iao  
所以來箇星礁個上頂必要設立高高個亮塔，來亮塔個頂頭必要  
tin sæn-s kwun-go teng-tsæn s-teh keh-sing lao-da feh-zing s-long k'o-yi k'en-kyin bi-ko Læ  
點三四管個燈盞，使得箇星老大弗會駛攏可以看見，避過。來  
liang-t'ah-li yia yiu nying deng-tih hao cōng-kwun t'ah-li-go teng-tsæn  
亮塔裏也有人庵的好掌管塔裏個燈盞。

Yiu ih-zo liang-t'ah doh-zi ih-go nying kwun-go djü gyi siao-nön ts-nga m-yiu bih-nying deng-tih  
有一座亮塔獨自一個人管個；除其小囡之外嚙有別人庵的。

siao-nön-go ming-z kyiao-leh Me-tsia  
小囡個名字叫勒梅姐。

Yiu ka ih-nyih kw'a-yia z-'eo ah-tia iao tao ngen-zông ky'i ma tong-si z dzong liang-t'ah teng  
有介一日，快夜時候，阿爹要到岸上去買東西；是從亮塔等  
ngén-zông keh-da siang-lin-go sô-nyi-di ka ky'i Keh-da lu yia tsih-yiu ih-go z-zing kong-fu hao tseo  
岸上箇埭相連個沙泥地介去。箇埭路也只有一個時辰工夫好走，  
ing-we dziao-shü ziu iao tsiang-ky'i meh-sah s-teh gyi lu tu k'en-feh-c'ih-go  
因為潮水就要漲起沒煞，使得其路都看弗出個。

Ah-tia teng-tsaen tsông-hao-ts feh-zing tin-go ing-we z-'eo mi-de gyi ziu teng Me-tsia  
阿爹燈盞裝好仔，弗曾點個，因為時候未了，其就等梅姐  
bih-ih-bih wô Siao-nön ngô we kw'a-kw'a tseo-cün-lä tin teng-tsaen wa lä-leh-gyi Ng  
別一別，話：「小囡，我會快快走轉來點燈盞，還來勒及。爾  
hao-vong p'ô ngô ziu lä-gyi  
好甯<sup>[1]</sup>怕，我就來其。」

[1] 原書此處錯印爲 hao-vông

Me-tsia ziu doh-zi lä liang-t'ah-li lä-kæn Gyi k'en-kyin t'in kw'a yia-de lóng lä-tih p'ah-lä  
梅姐就獨自來亮塔裏來間。其看見天快夜了，浪來的拍來  
p'ah-ky'i-go dön-ky'ün lä-tih c'ong-djông keh-go tsiao yi t'ing-meng yiu mang-mang fong do-do-go  
拍去個，團圈來的衝撞箇個礁；又聽聞有猛猛風，大大個  
sing-hyang lä-tih bö-ky'i-lä ziu hyiao-teh pih-yiu fong-pao lä-gyi  
聲響，來的爬起來，就曉得必有風暴來其。

Me-tsia-go ah-nyiang yiu sæn-nyin zin-deo ko-de Gyi tsao-yi yia deng-lä keh lang-loh-go liang-t'ah-li  
梅姐個阿孃有三年前頭過了。其早已也庵來箇冷落個亮塔裏。  
Ing-we z gyin-sing-go nyü-nying feh-zing si-ts zin gyi peh-djông kao-kao siao-nön doh Sing-shü  
因為是虔心個女人，弗曾死之前，其不常教教小囡讀《聖書》；  
peh-djông kông Yia-su dao-li peh gyi t'ing peh-djông ts-tin T'in-vu-go 'ong-eng we s-loh Gyi doh-ts Yia-su  
不常講耶穌道理撥其聽；不常指點天父個鴻恩，會賜落其獨子耶穌  
tao shü-kæn-zông lä hao tso cong-nying-go kyiü-cü hao sô-c'ih Gyi sing-ming ky'i c'ü-joh cong-nying-go ze  
到世間上來，好做衆人個救主，好捨出其性命去取贖衆人個罪。  
Ah-nyiang yia peh-djông wô-hyang gyi siao-nön dao Kyiü-cü Yia-su fi-dæn we siu-liu do-nying yia we  
阿孃也不常話向其小囡道，救主耶穌，非但會收留大人，也會  
siu-liu siao-nying sô-diao gyi ze peh gyi teh-djoh t'in-koh-go foh-ky'i Gyi we ts-tin Mô-t'a  
收留小人，赦掉其罪，撥其得着天國個福氣。其會指點馬太 XIX  
tsông tsih peh gyi k'en ziu-z Yia-su Zi sô-kông-go shih-wô Hao-peh keh-sing siao-nying tao  
章，14 節，撥其看，就是耶穌自所講個說話，「好撥箇星小人到  
Ngô u-sen lä feh-k'o tsu-djü gyi ing-we t'in-koh-go nying z keh-cong ka-go  
我烏碎來，弗可阻住其，因為天國個人是箇種介個。」

Lāe tsiao-go 'eo-pe      gying-tin ngen-zōng      yiu ih-pōng gyiang-dao      p'ò-p'ò-go siang-mao  
來礁個後背，近點岸上，有一幫強盜，怕怕個相貌，  
tseo-lāe-tseo-ky'i      lāe-tih      jing-lo      Gyi ziah k'en-kyin yiu jün ts'in-sô      ngô-tsiao      ziu we kw'a-kw'a t'iao-lôh siao  
走來走去來的巡邏。其若看見有船淺沙，研礁，就會快快跳落小  
jün      ts'ang-long-ky'i      hao-ziang ky'i pōng-dzu      jih-we      ky'i ts'iang-kyih  
船，撐攏去，好像去幫助，實爲去搶劫。

Keh-pæn wā-nying k'en-kyin      Me-tsia-go      ah-tia      cün-lāe      ziu hwun-hyi-siang      lih-k'eh ts'eng-c'ih ih-go  
箇班壞人看見梅姐個阿爹轉來就歡喜相，立刻忖出一個  
hyüong-ôh-go kyi-kao      Gyi hyiao-teh keh-zo      liang-t'ah-li      tsih-yiu      ih-go      siao nyiang-ts lāe-kæn      ziah lah-djü gyi  
兇惡個計較。其曉得箇座亮塔裏只有一個小娘子來間，若攔住其  
ah-tia      feh-hyü gyi kyü-ky'i      m-yiu nying hao tin teng-tsæn      Teng-tsæn feh tin-ts      jün ih-ding iao  
阿爹，弗許其歸去，嚙有人好點燈盞。燈盞弗點仔，船一定要  
ngô-tsiao      keh-tsao tsong yiu ho-veh hao-peh gyi do-leh-ky'i      Gyi yia      teh-cü      tsao-t'in-nyiang yiu hao kyi-tsah  
研礁；箇遭總有貨物好撥其駛勒去。其也得知早天亮有好幾隻  
tsæ-leh      pao-pe      ho-veh-go      jün we      s-long-lāe      Keh-go      kyi-meo      ts'ang-hao-ts      gyi      ziu ding-kwe lah-djü      Me-tsia-go  
載勒寶貝貨物個船會駛攏來。箇個計謀撐好仔其就定規攔住梅姐個  
ah-tia      feh-hyü gyi ky'i tin teng-tsæn  
阿爹，弗許其去點燈盞。

Keh-cong nying dza      ôh-go      feh-kwu nying-kô sing-ming c'ih-t'eh      tæh iao jün tso-diao      hao ts'iang  
箇種人咋惡個！弗顧人家性命出脫，單要船做掉，好搶  
bih-nying-go ho-veh      zi      fah-leh      do-dzæ      K'o-sih      K'o-sih      Sing-shü      wô      Nying-go sing z  
別人個貨物，自發了大財！可惜！可惜！《聖書》話，「人個心是  
væn-veh      ts-nen      ting ky'i-p'in      kæn-tsô-go      jü neng-keo lia-leh-tao      Keh-tsih shü      jih-we      z      kōng-djoh-go  
萬物之內頂欺騙奸詐個，誰能夠料勒到。」箇節書實惠是講着個。

Me-tsia-go      ah-tia      tong-si      ma-hao-ts      ky'ih ih-tsah lān      tsi-leh mun-deo keh-sing      cün-lāe  
梅姐個阿爹東西買好仔，挈一隻籃，齒勒饅頭箇星，轉來，  
i-pin      lāe-tih      tseo-tseo      i-pin      lāe-tih      s-siang      Gyi      sing-li      ts'eng keh-zōng tin teng-tsæn k'eo-k'eo tsing-hao  
依邊來的走走，依邊來的思想。其心裏忖箇晌點燈盞扣扣正好。  
Tseo-tao      sô-di      kw'a siang-gying      keh-sing gyiang-dao dzong gyi      iu-tih-go      di-fōng      ziu ts'ōn-c'ih-ky'i      lā gyi tao  
走到沙地快相近，箇星強盜從其幽的個地方就竄出去，拉其到  
di-ziang-li      bo-hao      gyi siu-kyiah      keh-tsao song gyi tao      kah-pih-go      liang-ding peh gyi      le-tao      Gyi dziang-yia  
地埤裏，縛好其手腳，箇遭送其到隔壁個涼亭撥其踉倒。其長夜  
bah-lih-lih      gyiu gyiang-dao sih-fōng gyi      gyiang-dao tsih-we      c'ü-siao gyi      Yiu liang-go nying      z-z      k'eh-k'eh kwun-siu  
白力力求強盜釋放其；強盜只會取笑其。有兩個人時時刻刻管守  
gyi      yü-to      coh-kwun peng-tao      hæ-du-zōng      ky'i      jing-lo  
其，餘多只管奔到海塗上去巡邏。

Me-tsia-go      ah-tia      lāe      liang-ding-li      lāe-tih      dziah-kyih      wô      Keh-tsao dza long-fah      ngô      c'ong-æ-go  
梅姐個阿爹來涼亭裏來的着急，話，箇遭咋弄法！我寵愛個<sup>[1]</sup>  
siao-nōn      zi      kwu-ling-ting      lāe      liang-t'ah-li      lāe-kæn      keh-sing teng-tsæn gyi      feh neng-keo tin      yia      m-yiu      bih-nying  
小囡自孤伶仃來亮塔裏來間；箇星燈盞其弗能夠點，也嚙有別人

lāe-kæn hao tin-go feh tin-ts k'ong-p'ô yiu hyü-to jün iao tso-diao hyü-to nying-go sing-ming iao c'ih-t'eh  
來問好點個；弗點仔恐怕有許多船要做掉，許多人個性命要出脫；  
wa z dza-go kyih-sah ni  
還是咋個結煞呢！

[1] 原書此處錯印爲 c'ông-æ-go

Me-tsia dzong siao-go kæn-deo boh-ts tsiang-kæn sing-li wô Ah-tia ziu we læ-gyi keh-zông  
梅姐從小個間頭伏仔張間，心裏話，「阿爹就回來其；箇晌  
z loh-tin-cong gyi hyiao-teh dziao-shü ziu iao tsiang-ky'i Z-ming-cong k'ao-leh pah tin-cong Me-tsia dzing-gyi  
是六點鐘；其曉得潮水就要漲起。」自鳴鐘敲了八點鐘梅姐仍舊  
ngaen-tsing ts'ing-ting tsiang-kæn tsih-z wa m-neh k'en-kyin gyi ah-tia læ Tao pah-tin cong keh sô-di  
眼睛清盯張間，只是還無得看見其阿爹來。到八點鐘箇沙地  
ts'ô-ih-ngaen be dziao-shü meh-zông-de tsih-leh wa yiu-tin t'ah-tang-t'ah c'ih-tong-go iao tseo kæn kyiah-bu wa  
差一眼被潮水沒上了；只勒還有點塔打塔出東個，要走揀腳步還  
k'o-yi tseo-go Tsæ deng ih-hyih dziao-shü 'o-jün tsiang ko-deo-de kao-jü sô-di hao kyi-ts'ah  
可以走個。再庵一歇潮水和然漲過頭了，高如沙地好幾尺。

Keh-tsao Me-tsia yiu do sing-hyang eo-leh wô Ah-tia yüong læ Tseo-leh kw'a Ng  
箇遭梅姐有大聲響謳勒，話，「阿爹，用來！走勒快！爾  
lāe-kæn tso-soh Ng feh-tsiao tao 'ah-li ky'i Ng-go siao-nön yiu mông-kyi feh Dæn-z gyi  
來問做啥？爾弗照到何裏去？爾個小因有忘記<sup>[1]</sup>弗？」但是其  
eo-feh-ing tsih-leh t'ing-meng dziao-shü tsiang-zông teng mang-mang fong-go sing-hyang  
謳弗應；只勒聽聞潮水漲上，等猛猛風個聲響。

[1] 原書此處錯印爲 mong-kyi

Me-tsia hyiao-teh keh-yia t'in pih-ding tang do fong-pao gyi ah-tia ziah feh læ tin teng-tsæn k'ong-p'ô yiu  
梅姐曉得箇夜天必定打大風暴；其阿爹若弗來點燈盞，恐怕有  
hyü-to jün we-leh teng-tsæn feh-tin-go iao ts'in-sô ngô-tsiao be tso-diao Gyi ts'eng-tao keh-sing  
許多船，爲了燈盞弗點個，要淺沙，研礁，被做掉。其忖到箇星  
z-ken tsih-we ü-ts-li zo-lôh k'oh-læ k'oh-ky'i long-do pe-shông  
事幹只會椅子裏坐落哭來哭去，弄大悲傷。

Wa læ-tih k'oh-go z'-eo gyi kyih-teh tao ah-nyiang dzong-zin teng gyi peh-djông sô-kông-go shih-wô  
還來的哭個時候其記得到阿孃從前等其不常所講個說話，  
Kyüô-jü ah-tia yiu p'ong-djoh ngwe-hyin kyih-næn ng yüong kw'a-kw'a ky'i gyiu-gyiu Yia-su pông-dzu  
「假如阿爹有碰着危險，劫難，爾用快快去求耶穌幫助，  
kyiu-c'ih Gyi ziu lih-k'eh bô-ky'i peng-tsing vông-li gyü-tæn-lôh gyiu-gyiu wô Dz-pe-go Cü  
救出。」其就立刻爬起，奔進房裏，跪帶落求求，話，慈悲個主，  
gyiu-gyiu Ng yüong ts-tin ngô tao-leh ka-go kying-di kâ dza-go tso-fah Tsæ gyiu-gyiu Cü pao-wu  
求求爾用指點我，到了介個境地，該咋個做法。再求求主保護<sup>[1]</sup>，  
to-hwô ngô-go ah-tia s-teh gyi we m-ko m-næn en-en-tæn-tæn kyü-læ  
朵化我個阿爹，使得其會無過無難安安耽耽歸來。

[1] 原書此處錯印爲 pao-wn

Keh-tsao dziao-shü yiu kah-zông sô-di deh-ma ts'ah sing nyih-deo yiu pun-go z-zing lôh-sæn-de yüih-liang  
箇遭潮水有溢上沙地特買尺深；日頭有半個時辰落山了，月亮  
yia yiu c'ih-zông-de tsih-leh be heh-yüing tsô-djü t'in ziu moh-ts'eh-di-en lin ih-lih sing tu m-neh  
也有出上了，只勒被黑雲遮住；天就墨漆地暗，連一粒星都嘸得  
k'en-kyin  
看見。

Læ ngen-zông keh-sing gyiang-dao sing-li læ-tih tang-sôn siang-vông keh fong-pao c'ü jün tao sô-di be  
來岸上箇星強盜心裏來的打算，想望箇風暴吹船到沙地，被  
ky'üoh-mah Gyi-lah læ-tih ts'eng jün-li-go shü-siu m-neh k'en-kyin liang-t'ah-li-go teng-tsaen tsong we  
喫沒。其拉來的忖船裏個水手，嘸得看見亮塔裏個燈盞，總會  
m-deo m-jü s-long-læ  
嘸頭嘸緒駛攏來。

Me-tsia-go sing-siang iao zi ky'i tin teng-tsaen tsih-z teng-tsaen pa-leh kao-kao-go gyi nying  
梅姐個心想要自去點燈盞；只是燈盞擺勒高高個，其人  
a-a-go feh neng-keo lia-leh-djoh Gyi ziu teh ih-bu lu-t'æ ky'ih-ky'ih k'eh-k'eh en-læ teng-tsaen-'ô  
矮矮個，弗能夠撩勒着。其就掇一部路梯，乞乞克克安來燈盞下，  
ih-keh ih-keh hyih-zông-ky'i tsih-z wa ky'in-kao teng-tsaen wa lia-feh-djoh Gyi tsæ tseo-lôh-læ tao vông-li  
一格一格吸上去；只是還欠高，燈盞還撩弗着。其再走落來到房裏  
ky'i do ih-tsiang siao coh-teng lao-lao loh-loh pô lu-t'æ fông-læ coh-teng zông ziu hwun-hwun hyi-hyi  
去馱一張小竹凳，勞勞碌碌把路梯放來竹凳上，就歡歡喜喜  
bô-zông-ky'i lu-t'æ tsæ hyih-zông sing-li siang-vông keh-tsao tsong hao tin-leh-djoh Dæn-z wa feh  
爬上去，路梯再吸上，心裏想望箇遭總好點勒着。但是還弗  
neng-keo se-tsih kyiah-tsih-meh-di tin-tæn-ky'i wa ts'ò ih-ngæn  
能夠；雖即腳節末蹄跔帶起，還差一眼。

Keh-tsao gyi sing li læ-tih ts'eng ziah yiu ih-keng bông hao pô zi-læ-ho bo-læ gyi deo-li ka ziu  
箇遭其心裏來的忖，若有一根棒<sup>[1]</sup>好把自來火縛來其頭裏介就  
ih-ding hao tin-leh-djoh Ih-ts'eng-tao gyi tsæ tseo-lôh-læ ky'i zing ih-keng bông-den Dön-dön ky'ün-ky'ün  
一定好點勒着。一忖到其再走落來去尋一根棒<sup>[1]</sup>頭。團團圈圈，  
kôh-kôh lôh-lôh zing-leh k'o-lin ih-ngæn zing-feh-djoh  
角角落落，尋勒可憐，一眼尋弗着。

[1] 原書此處錯印爲 bong

Fong-pao yi-kying tso-leh p'ô-p'ô-de Jün-li-go lao-da m-neh k'en-kyin liang-t'ah-go liang feh  
風暴已經做勒怕怕了。船裏個老大，嘸得看見亮塔個亮，弗  
hyiao-teh gyi læ 'ah-li feh hyiao-teh gyi jün z s-tao soh-go di-fông jih-dzæ z long-leh m-shih-fah  
曉得其來何裏；弗曉得其船是駛到啥個地方；實在是弄勒嘸設法。

Keh-go z'-eo Me-tsia-go ah-tia læ liang-ding-li tso gyi-tao wô Gyi-gyiu T'in-vu læ keh-zo  
箇個時候梅姐個阿爹來涼亭裏做祈禱，話，「求求天父來箇座  
en-lih-boh-long kwu-ts'ing lang-lôh-go liang-t'ah-li æ-lin pao-wu ngô c'ong-æ-go siao-nôn  
暗力薄朧孤清冷落個亮塔裏哀憐，保護我寵愛個小囡<sup>[1]</sup>。」

[1] 原書此處錯印爲 siao-son

Me-tsia-go sing 'o-jün næn-ko ziu ts'eng-tao keh-peng do-do-go Sing-shü 'oh-tsia ky'i do-læ din  
梅姐個心和然難過就忖到箇本大大個《聖書》，或者去馱來墊  
lu-t'æ wa keo kao-do wa k'o-yi tin teng-tsaen dæn-z Jing-ming-go Sing-shü dza ken kyiah-li dah-djoh  
路梯還夠高大，還可以點燈盞；但是神明個《聖書》咋敢腳裏踏着  
ni Tsæ-wô ngô ts'ing-æ-go ah-nyiang wa læ-tong z dza tseng-kwe kying-djong keh-peng shü ni Wa-yiu gyi tsæ  
呢？再話我親愛個阿孃還來東時咋尊貴敬重箇本書呢？還有其再  
ts'eng do keh-peng Sing-shü ky'i kyi nying-go sing-ming Jing-ming tsæ-ve feh hwun-hyi Ah-nyiang ziah  
忖，馱箇本《聖書》去救人個性命，神明再膾弗歡喜。阿孃若  
læ-tong yia tsong we peh ngô yüong Ts'eng-ko yi ts'eng gyi ziu k'ô-ding cü-i lih-k'eh ky'i do keh-peng  
來東也總會撥我用。忖過又忖其就忖定主意，立刻去馱箇本  
do-do Sing-shü din-læ lu-t'æ-ts'ô tsæ hyih-zông-ky'i s-s-k'en Keh-tsao z k'eo-k'eo  
大大《聖書》，墊來路梯之下，再吸上去試試看。箇遭是扣扣  
tsing-hao ziu teng-tsaen ih-kwun ih-kwun gyi tin-leh shih-kwah-liang s-teh dön-ky'ün-go hæ-li tu ming-ming  
正好，就燈盞一管一管其點勒雪刮亮，使得團圈個海裏都明明  
tsiao-djoh  
照着。

Ah-tia læ liang-ding-li k'en-kyin liang-t'ah-li yiu liang-kwông ing-c'ih-læ mô-zông ken-zia Jing-ming-go  
阿爹來涼亭裏，看見亮塔裏有亮光映出來，馬上感謝神明個  
eng-we we pông-dzu gyi-go siao-nôn læ keh-go ngwe-hyin-go z'-eo hao tin-dziah teng-tsaen tsih-z feh hyiao-teh  
恩惠會幫助<sup>[1]</sup>其個小囡來箇個危險個時候好點着燈盞；只是弗曉得  
dza ih-tsong tso-fah-go  
咋一種做法個。

[1] 原書此處錯印爲 pong-dzu

Keh-sing jün-li-go nying k'en-kyin keh-go liang-kwông yia feh-tsiao dza hwun-hyi Gyi-lah jün ts'ô-ih-ngæn  
箇星船裏個人看見箇個亮光也弗照咋歡喜。其拉船差一眼  
s-long ngwe-hyin-go di-fông dæn-z wa læ-leh-gyi hao bi-ko tsiao teng sô pao-djün sing-ming min-ko  
駛攏危險個地方，但是還來勒及好避過礁等沙，保全性命，免過  
tsæ-wæn dzong bih-da lu en-en jün-jün ka s-c'ih-ky'i  
災患，從別埭路安安然然介駛出去。

Keh-sing gyiang-dao tu fæn-cün ô-wông tsi-tsao ing-we gyi-go kyi-meo yüong-feh-djoh-go jün-li-go  
箇星強盜都反轉慳惶濟糟，因為其個計謀用弗着個，船裏個  
ho-veh do-feh-læ-go T'in kw'a liang-de gyi-lah pô ah-tia fông-tseo-de  
貨物馱弗來個。天快亮了其拉把阿爹放走了。

Dziao-shū t'e-loh-de keh-da sô-nyi lu c'ih-tong-de ah-tia ziu kw'a-kw'a peng-tao liang-t'ah-li  
潮水退落了，箇埭沙泥路出東了，阿爹就快快奔到亮塔裏。

Me-tsia d'iang-si teng ah-tia kông Jing-ming z dza-go pông-dzu gyi læ keh ngwe-hyin-go z'-eo hao tin-dziah teng-tsæn  
梅姐詳細等阿爹講神明是咋個幫助其來箇危險個時候好點着燈盞。

Keh-cü siao nyiang-ts tæ-n-ts we ka do Jing-ming-go Sing-shū we ka tseng-kying ah-nyiang-go  
箇株小娘子膽子會介大，神明個《聖書》會介尊敬，阿孃個  
kao-hyüing we ka kyi-teh nying-kô-go hao-tæ we ka kwu-djoh tsing-tsing z næn-teh cong siao nyiang-ts tu  
教訓會介記得，人家個好歹會介顧着，真正是難得，衆小娘子都  
kæ k'en gyi-go yiang  
該看其個樣。

Da-bih-go s-p'in di ih-pah jih-kyiu siu di ih-pah-ng tsih wô Jing-ming-go  
大關個〈詩篇〉第一百十九首，第一百五節，話，「神明個  
shih-wô hao-ziang teng-tsæn we tsiao-djoh ngô-go kyiah-bu hao-ziang liang-kwông we ying-dao ngô-go lu-kying  
說話好像燈盞會照着個腳步，好像亮光會引導個路徑。」

Dæn-nyün Gyi-go shih-wô we ih-sang ih-si tsiao-djoh ying-dao ah-lah cong-nying s-teh ah-lah tu neng-keo tseo  
但願其個說話會一生一世照着引導阿拉衆人使得阿拉都能夠走  
t'in-koh weh-ming-go lu teh-djoh m-gyüong-dzing-go foh-ky'i tsing-ziang keh liang-t'ah-go teng-tsæn z tsiao-djoh  
天國活命個路，得着無窮盡個福氣，正像箇亮塔個燈盞是照着，  
ying-dao keh-sing jün-zông-go nying s-teh gyi neng-keo to-bi tsiao teng sô teh-djoh sing-ming teng t'a-bing  
引導箇星船上個人，使得其能夠躲避礁等沙，得着性命等太平。

Næn-kæn kwæn-meng-go shih-wô ngô iao meng ng-lah doh keh-peng shū-go siao-nying Jing-ming-go  
難問，關門個說話，我要問爾拉讀箇本書個小人，神明個  
shih-wô yiu tsiao-djoh ng ma Gyi-go liang-kwông z læ-tih ying-dao ng ma Ng z hyiao-teh zi-go ze-ky'in  
說話有照着爾嗎？其個亮光是來的引導爾嗎？爾是曉得自個罪愆  
teng Yiæ-su-go kyi-u-eng ma Yiæ-su-go kyi-u-dao ziang teng-tsæn-go kwông yiu ming-liang ng-go ling-weng  
等耶穌個救恩嗎？耶穌個救道，像燈盞個光，有明亮爾個靈魂，  
s-teh ng neng-keo ken-c'ih Mo-kwe-go si-lu hao bi-ko gyi tseo Kyiu-cü-go weh-lu feh Jü-ko  
使得爾能夠趕出魔鬼個死路，好避過其，走救主個活路弗？如果  
z-ka ng-go liang-kwông yia kæ tsiao-djoh ming-liang bih-nying hao-ziang Kyiu-cü Yiæ-su Zi læ Mô-t'a di-ng  
是介，爾個亮光也該照着明亮別人，好像救主耶穌自來馬太第五  
tsông di jih-s tsih sô wô Ng-lah z shü-kæn-zông-go liang-kwông ih-zo dzing-ts kyin-læ sæn-teng  
章，第十四節所話，「爾拉是世間上個亮光。一座城子建來山頂  
tsæ-ve k'en-feh-kyin Nying-kô tin-ts lah-coh feh en-læ tao-dong 'ô z pa-læ coh-dæ-zông gyi ziu we  
再矚看弗見。人家點仔蠟燭弗安來倒桶下，是擺來燭臺上，其就會  
s kwông peh cong oh-li-go nying Ng-go liang-kwông yia kæ tsiao-læ cong-nying-go min-zin s-teh gyi-lah  
賜光撥衆屋裏個人。爾個亮光也該照來衆人個面前，使得其拉  
k'en-kyin ng-go hao 'ang-we we tseng-kying ng-lah T'in-zông-go Ah-tia  
看見爾個好行爲會尊敬爾拉天上個阿爹。」

## 孤哀子 碰 着 朋友

KYI-NYIN zin-deo      læ Hwô-gyi-koh      yiu ih-go 'eo-sang də ih-go lao-nyüing      Gyi-lah liang  
 幾年前頭，來花旗國，有一個後生抬一個老孃。其拉兩  
 fu-ts'i      hao-nyih tsiu bæn-ko-ts      ing-we yiu-tin dong-din tsiang-tong      zi ts'eng-ts'eng      ah-lah we ka  
 夫妻，好日酒辦過仔，因為有點銅鈿仗東，自忖忖，阿拉會介  
 jing-kying      tao yiu foh-ky'i  
 順境，倒有福氣。

Keh-go z-'eo gyi-lah z deng-læ ih-zo dzing-ts li-hyang      Tsih-yiu zing-li-go z-ken feh ziang-i  
 箇個時候其拉是庵來一座城子裏向。只有城裏個事幹弗像意，  
 gyi-lah 'eo-deo pun-tao hyiang-'ô ky'i deng      Læ keh-deo      ih-go lang-zing-go di-fông      gyi-lah z ma ih-kw'e  
 其拉後頭搬到鄉下去庵。來箇頭，一個冷靜個地方，其拉是買一塊  
 di      keh-kw'e di z sing k'æ-k'eng-go  
 地。箇塊地是新開墾個。

Tsiu ngæn-zin k'en-læ      da-be nying tsong wô keh-liang fu-ts'i yiu foh-ky'i-go      Tsæ-kô keh-liang-go nying  
 周眼前看來，大備人總話箇兩夫妻有福氣個。再加箇兩個人  
 z ting 'o-moh      ting kông-deh-læ      yia tu tso Yia-su-go tsing meng-du      nyih-yia gyiu-k'eng      ken-zia keh-we  
 是頂和睦，頂講了來，也都做耶穌個真門徒，日夜求懇，感謝箇位  
 s-peh gyi ih-ts'ih hao-c'ü-go T'in-vu  
 賜撥其一切好處個天父。

Sæn-nyin kong-fu gyi-lah z-ka      zi-yiu-zi-dzæ      en-en jün-jün ko-nyih-ts      feh-siang-tao keh-go z  
 三年工夫其拉是介自由自在，安安然然過日子。弗想到箇個時  
 'eo dziang-fu we sang-bing si-de      teng gyi ts'ing-æ-go ts'i-ts      ts'eh-leh-te-de      Gyi z yi-lôh keh-kwu-sông-go  
 候丈夫會生病死了，等其親愛個妻子拆了對了。其是遺落箇孤孀個  
 lao-nyüing teng liang-go siao-siao shông-sang-go u-wæn  
 老孃等兩個小小雙生個烏娃。

Keh-go lao-nyüing z tsing kw'u-go      di-fông yi lang-lôh      shü-fong yi 'ah-tsah      yia m-yiu kyiao-s  
 箇個老孃是真苦個。地方又冷落，世風又狹窄，也嘸有教師  
 læ-wông      gyin-sang-go beng-yiu yia ky'üih-li-go      ts'ih-t'iah-go ts'ing-kyün yia deng-læ yün-yün-go      jih-dzæ z  
 來往<sup>[1]</sup>，虔生個朋友也缺裏個，切貼個親眷也庵來遠遠個，實在是  
 kwu-ling-ting      pe-ts'ih-leh-kying-go      Gyi z-djông      læ-tih k'oh-ky'i-læ      wô      Keh-tsao wa z dza-go  
 孤伶仃，悲感勒緊個。其時常<sup>[2]</sup>來的哭起來，話：「箇遭還是咋個  
 kyih-sah ni  
 結煞呢？」

[1] 原書此處錯印爲 læ-wông



[2] 原書此處錯印爲 z-djong

Ky'ü-leh gyi yiu Sing-shü læ-tong z-djong k'en-k'en Sing-Ling yi k'æ-dao gyi-go sing wa  
虧勒其有《聖書》來東，時常看看，聖靈又開導其個心，還  
yiu-tin teh-djoh en-wë Se-tsih dzing-gyiu z-ka læ-tih pe-shông dziang-fu gyi cong-ü siang-vông Jing-ming we  
有點得着安慰。雖即仍舊時介來的悲傷丈夫，其終於想望神明會  
læ pao-yiu gyi-zi teng gyi liang-go siao-wæn  
來保佑其自等其兩個小娃。

Me vong en-sih-nyih gyi sing-li z yüih-fah næn-ko ko-feh-ko-ky'i ing-we læ keh-go di-fông  
每逢安息日其心裏是越發難過，過弗過去，因為來箇個地方  
m-neh teh-djoh en-sih-go hao-c'ü li-pa-dông teng djün foh-ing-go nying tu m-neh-go  
嘸得得着安息個好處，禮拜堂等傳福音個人都嘸得個。

We-leh ka keh gyin-sing-go ah-nyiang z 'o-jün næn-ko feh sô-teh Gyi liang-go ng-ts m-yiu sin-sang  
爲了介箇虔心個阿孃是和然難過，弗捨得其兩個兒子嘸有先生  
læ kao-kao gyi peh gyi neng-keo doh-doh Sing-shü ming-bah dao-li keh-sing  
來教教其，撥其能夠讀讀《聖書》，明白道理箇星。

Keh liang-go ng-ts nyin-kyi wa tsih-leh loh-shü gyi hao-hao-go ah-nyiang sang ziah-bing-de K'æ-kô  
箇兩個兒子，年紀還只勒六歲，其好好個阿孃生弱病了。開家  
næn-ko z-tsin gyi-zi teh-cü tsong z iao si sô-yi we-leh siao-nying we z-djong læ-tih gyiu-gyiu  
難過時節，其自得知總是要死，所以爲了小人會時常來的求求  
Jing-ming 'Eo-deo gyi-go bing dzin-dzin hyüong-ky'i-læ tao kyih-sah teng gyi liang-go ng-ts hyüong-hyüong cü  
神明。後頭其個病漸漸兇起來，到結煞等其兩個兒子嗅嗅嘴，  
ziu ky'ü-shü-de  
就去世了。

Siao-nying moh-djoh gyi ah-nyiang-go siu teh-cü gyi lang-lang de hyiao-teh gyi z si-de ziu  
小人摸着其阿孃個手，得知其冷冷了，曉得其是死了，就  
long-do k'oh-ky'i-læ-de  
弄大哭起來了。

Ah-nyiang feh-zing si-ts teng ling-sô-kô wô Ngô z kw'a iao si tsih-z li-k'æ keh liang-go  
阿孃弗曾死仔等鄰舍家話：「我是快要死，只是離開箇兩個  
siao-wæn tsing-tsing feh sô-teh Ngô ky'i-go jü we læ kwu-djoh gyi Ngô tsih-hao t'oh-fu Jing-ming-go  
小娃真正弗捨得。我去個，誰會來顧着其？我只好託付神明個  
siu-li siang-vông Gyi tsong we læ pao-wu gyi  
手裏，想望其總會來保護其。」

Gyi ko-ts 'eo yiu ih-veng ling-sô-kô læ siu-liu keh liang-go siao-nying keh-go ling-sô-kô yia z  
其過之後有一份鄰舍家來收留箇兩個小人。箇個鄰舍家<sup>[1]</sup>也是  
kwu-sông lao-nyüing kô-li yia z gyüong-kw'u-go  
孤孀老孃，家裏也是窮苦個。

[1] 原書此處錯印爲 ling-kô-kô

Feh-zông ih-nyin kong-fu ih-go siao-nying si-de ziu tsông-lâ gyi ah-nyiang-go bông-pin tso u-sen  
弗上一年工夫一個小人死了，就葬來其阿孃個旁邊，做烏碎  
dô-kô kw'eng-kæn  
大家睷間。

K'eo-k'eo keh-go z'eo yiu ih-go gyin-sing-go s-meo sing-su sing Li go tao keh-t'ah hyiang-ts'eng-li  
扣扣箇個時候有一個虔心個師母，姓數姓李個，到箇埠鄉村裏  
lâ deng Gyi yia z m-tia m-nyiang-go nying tsih-z yiu ih-ngæn dong-din-go Gyi-go sing-siang z lâ  
來庵。其也是無爹無孃個人，只是有一眼銅鈿個。其個心想是來  
tso-tso hao-z tsiu-tsi gyông-kw'u-go kao-kao siao-nying  
做做好事，周濟窮苦個，教教小人。

Gyi teh-cü keh hyiang-ts'eng-li-go nying z ting kw'u-li-go lôh-boh mæn-fah sæn-ts'in yia fi-dæn gyi  
其得知箇鄉村裏個人是頂苦裏個，落泊慢法三千，也非但其  
kyi-sing z ky'üih kyi-sing ing-yüong-go tong-si gyi ling-weng yia z ky'üih keh keng-kô ing-yüong-go Jing-ming-go  
肌身是缺肌身應用個東西，其靈魂也是缺箇更加應用個神明個  
dao-li gyi ziu sing-li lâ-teh ts'eng-ts'eng dza-go k'o-yi pông-dzu gyi  
道理，其就心裏來得忖忖咋個可以幫助其。

Pin ts'eng pin tseo-go z'eo gyi k'en-kyin ih-go siao-nying lâ lu pin-yin lih-kæn siang-mao sang-leh tsing  
邊忖邊走個時候其看見一個小人來路邊沿立間，相貌生勒真  
hao jih-dzæ pi-cong peh-dong-go tsih-yiu i-sæn-læn-li m-neh c'ün-go  
好，實在比衆不同個，只有衣衫襤褸，無得穿個。

Li s-meo lih-lôh meng gyi wô Siao-di ng kyiao-leh soh-ko ming-z ni Gyi wô  
李師母立落，問其話：「小弟，爾叫勒啥個名字呢？」其話：  
Ngô ming-z kyiao-leh Yüô-koh  
「我名字叫勒雅各。」

Li s-meo yi meng gyi wô Ng z deng 'ah-li ni Gyi ziu siu tin-tin wô  
李師母又問其，話：「爾是庵何裏呢？」其就手點點，話：  
Nô lâ keh-deo jü-vong bông-pin ih-kæn siao oh-li ngô z keh-t'ah-li deng-kæn Wa-yiu ih-go Bô  
「喏！來箇頭樹縫旁邊一間小屋裏，我是箇埠裏庵間。還有一個甞  
s-meo teng ngô dô-kô deng Gyi z ih-go kwu-sông lao-nyüing yiu æ-lin kwu-djoh ngô feh-jün ngô  
師母等我大家庵。其是一個孤孀老孃，有哀憐顧着我，弗然我  
tsing-tsing iao ngo-sah  
真正要餓煞。」

Li s-meo yi wô Keh-we Bô s-meo z jü z ng-go ah-nyiang feh Gyi wô  
李師母又話：「箇位甞師母是誰？是爾個阿孃<sup>[1]</sup>弗？」其話：  
Feh-z Ngô gyiu-nyin yiu ih-go ting-hao-go ah-nyiang feh-tsiao dza dzih-din ngô teng ngô-go  
「弗是。我舊年<sup>[2]</sup>有一個頂好個阿孃<sup>[1]</sup>，弗照咋值鈿我等我個

ah-di yi we tso-tso i-zōng peh ah-lah c'ün yi we long-long væn peh ah-lah ky'üoh yi we kao-kao  
阿弟，又會做做衣裳撥阿拉穿，又會弄弄飯撥阿拉喫，又會教教  
ah-lah doh-shü kōng-kōng Yia-su dao-li peh ah-lah t'ing gyiu-gyiu Jing-ming pao-wu kwu-djoh ah-lah  
阿拉讀書，講講耶穌道理撥阿拉聽，求求神明保護顧着阿拉。」

[1] 原書此處錯印爲 ah-myang

[2] 原書此處錯印爲 gyiu-myin

Li s-meo yi wô Yin-dzæ ng-go ah-nyiang læ 'ah-li Gyi liu ngæn-li wô  
李師母又話：「現在爾個阿孃來何裏？」其流眼淚，話：

Ah-nyiang z yi-kying si-de Gyi z tsōng-læ keh-deo ih-go veng-li  
「阿孃是已經死了。其是葬來箇頭一個墳裏。」

Li s-meo yi wô 'Ah-li ih-yüih veng z ng-go ah-nyiang tsōng-kæn Gyi wô Z  
李師母又話：「何裏<sup>[1]</sup>一穴墳是爾個阿孃葬間？」其話：「是

keh-yüih do-do-go læ keh hwô-yün li-hyang ôh-koh-loh-den-go Ngô hao-hao-go ah-nyiang z tsōng-læ keh-cü  
箇穴大大個，來箇花園裏向惡角落頭個。我好好個阿孃是葬來箇株

jü 'ô-go ngô siao-siao-go ah-di yia z tso u-sen kw'eng-kæn En-tsōng-go z'eo di-ying z gyüih-leh  
樹下個，我小小個阿弟也是做烏碎暎間。安葬個時候地垵是掘勒

sing-sing-go ngô ah-nyiang-go veng pi ah-di-go veng wa gyüih-leh sing-tin Ngô ih-sang ih-si feh neng-keo tsæ  
深深個，我阿孃個墳比阿弟個墳還掘勒深點。我一生一世弗能夠再

k'en-kyin gyi K'o-sih K'o-sih Gyi yi teng s-meo wô Ng hao teng ngô ky'i k'en veng-mo  
看見其。可惜！可惜！」其又等師母話：「爾好等我去看墳墓

feh S-meo wô Keh-zōng ngô feh-ky'i k'en 'ô-tsao ky'i z-de Ngô næn-kæn iao teng ng kōng  
弗？」師母話：「箇晌我弗去看，下遭去是了。我難間要等爾講

ih-fæn  
一番。」

[1] 原書此處錯印爲 Ah-li

Siao-nying t'ing-meng s-meo ka wô ziu sing-kwô k'æ-k'æ-læ-de tsih-z gyi yüih-kōng s-meo yüih  
小人聽聞師母介話，就心掛開開來了，只是其越講，師母越

k'en-c'ih gyi ah-nyiang-go hao-hao kao-hyüing ts'ô-feh-to mōng-kyi-de S-meo ding-kwe læ keh hyiang-ts'eng-li iao kæ  
看出其阿孃個好好教訓差弗多忘記了。師母定規來箇鄉村裏要蓋

ih-kwun shü-vōng s-teh keh-sing siao-nying hao læ doh-doh sing-shü t'ing-t'ing dao-li ziu teng gyi bih-ih-bih  
一管書房，使得箇星小人好來讀讀聖書，聽聽道理，就等其別一別

tseo-k'æ-de  
走開了。

'Eo-deo s-meo tseo-tao keh-hyang-ts'eng-li me-veng nying-kô-go oh-li ky'i t'ong-cü gyi-go sing-siang  
後頭師母走到箇鄉村裏每份人家個屋裏去通知其個心想

,

ts'ing-ts'ing cong siao-nying læ doh-doh shü

請請衆小人來讀讀書。

K'o-sih da-kæ nying tsih-we c'ü-siao gyi Yiu-teh wô Keh dza-go ka-shih Keh sing-sin  
可惜！大概人只會取笑其。有得話：「箇咋個解說？箇新鮮

veng-fah ah-lah tao m-neh k'en-kyin-ko yia m-neh t'ing-meng-ko keh tsing-tsing z hyi-gyi  
文法阿拉到嘸得看見過，也嘸得聽聞過，箇真正是稀奇。」

Keh-sing lao-dzing-go nyü-nying z pi da-kæ nying keng-kô k'eh-ts'eng keh-go z-ken gyi-lah tu z-ka  
箇星老成個女人是比大概人更加刻忖箇個事幹。其拉都是介

feng-feng peh-ih læ-tih nyi-leng gyi  
紛紛不一來的議論其。

Shü-vông zo-ky'i-læ deo sæn-s li-pa tsih-yiu ih-go 'oh-sang-ts læ doh ziu-z siao Yüô-koh  
書房坐起來頭三四禮拜只有一個學生子來讀，就是小雅各。

Se-tsih z-ka Li s-meo ih-ngæn feh yia-dæ ih-ngæn feh-k'eng hyih Gyi hyiao-teh Jing-ming tsong we læ  
雖即是介，李師母一眼弗懈怠，一眼弗肯歇。其曉得神明總會來

pông-ts'eng gyi s-teh shü-vông we hying-ky'i-læ keh-lah nyih-nyih-sing-sing z-djông læ kao-hyüing keh ih-go  
幫襯其，使得書房會興起來，箇拉熱熱心心時常來教訓箇一個

siao-nying

小人。

Tsæ ko-leh kyì-go li-pa nying-kô k'eh-ts'eng-go sing dzin-dzin t'e-de tao shü-vông-li læ doh-shü-go  
再過了幾個禮拜人家刻忖個心漸漸退了，到書房裏來讀書個

siao-nying do-nyiang to-ky'i-læ-de teng-tao shü-vông-li-go zo-deo tu zo-mun-de  
小人大樣多起來了，等到書房裏個座頭都坐滿了。

Shü-vông yi-kying zo-leh liang-nyin Yüô-koh-go nyin-kyi yiu kyiu-shü-de Li s-meo k'en-kyin gyi min-seh  
書房已經坐了兩年，雅各個年紀有九歲了。李師母看見其面色

bah-liao-liao-go kyì-sing yia seo-seo-go yi coh-kwun t'ing-meng gyi læ-tih wô z m-ky'i-lih  
白鰓鰓個，肌身也瘦瘦個，又只管聽聞其來的話「是嘸氣力」，

sing-li ziu peh jing-siang næn-ko-ky'i-læ-de  
心裏就不忍相，難過起來了。

Tsæ deng-leh kyì-nyih Yüô-koh-go kyiah ve tseo gyi feh neng-keo tao shü-vông-li ky'i Li s-meo ziu  
再庀勒幾日雅各個腳躉走，其弗能夠到書房裏去。李師母就

tseo-tao gyi-go oh-li læ mông gyi læ keh-deo dzing-gyiu kao-hyüing gyi yia ling-leh gyi tao lu-zông mæn-mæn  
走到其個屋裏來望其，來箇頭仍舊教訓其，也領勒其到路上慢慢

ky'i tseo-tseo

去走走。

Yiu ih-nyih Yüô-koh ts'ing Li s-meô dô-kô tao gyi ah-nyiang-go veng-deo ky'i k'en-k'en yiu ts'ao læ veng-li  
有一日雅各請李師母大家到其阿孃個墳頭去看看有草來墳裏

c'ih-kæn Gyi siao-go veng-li yiu hwô k'æ-kæn keh-go hwô z Yüô-koh zi sô cong-tih-go  
出間。其小個墳裏有花開間，箇個花是雅各自所種的個。

Keh-go z'eo t'in-kô nyih-nyih-go Li s-meô teng Yüô-koh ky'i zing fong-liang-tin-go di-fông ziu læ  
箇個時候天家熱熱個，李師母等雅各去尋風涼點個地方，就來  
veng-go bông-pin tu dô-kô zo-zo siao-nying ih-k'eo feh-k'æ ts'ia-kwu zi sing-li en-dong-dong læ-tih ts'eng  
墳個旁邊都大家坐坐。小人一口弗開，且顧自心裏暗洞洞來的忖。

Li s-meô yia læ sing-li læ-tih ts'eng-ts'eng Gyi ts'eng-tao keh-go siao-nying tsong yiu gyi ah-nyiang-go  
李師母也來心裏來的忖忖。其忖到箇個小人總有其阿孃個  
ziah-bing sang-tih m-yiu to-siao kong-fu hao deng ziu iao ky'ü-shü-de  
弱病生的，嘸有多少工夫好庇，就要去世了。

Siao-nying-go sing-siang tsing-hao siang-te-go gyi tsih-we ngæn-tsing ts'ing-ting k'en-leh Li s-meô wô  
小人個心想正好相對個，其只會眼睛清盯看勒李師母，話：

Ngô z feh neng-keo tsæ t'ing s-meô-go hao-hao kao-hyüing ngô z feh neng-keo dziang-kyiu læ shü-kæn-zông  
「我是弗能夠再聽師母個好好教訓，我是弗能夠長久來世間上  
læ-tong m to-siao nyih-ts k'ong-p'ô ngô iao si  
來東，嘸多少日子恐怕我要死。」

Keh liang-go nying k'eo-ngæ zo-leh hyü-to kong-fu hweh-r-jün Yüô-koh bô-ky'i-sing ky'i ao ih-kwang  
箇兩個人口呆坐了許多工夫，忽而然雅各爬起身，去拗一梗  
jü-go ô-ts siao-tao siah-siah-hao ziu tao gyi ah-di-go veng-mo ky'i liang-liang-siang  
樹個桎枝，小刀削削好，就到其阿弟個墳墓去量量相。

Keh-tsao gyi teng Li s-meô wô S-meô ts'ia k'en keh veng-mo-go dziang-tön teng ngô iao yüong-go veng-mo  
箇遭其等李師母話：「師母且看箇墳墓個長短等我要用個墳墓  
pi-læ z tön-tin Ngô feh-zing t'ing ng-go kao-hyüing z m-deo-jü ko nyih-ts ih-ngæn feh ts'eng-tao  
比來是短點<sup>[1]</sup>。我弗曾聽爾個教訓是嘸頭緒過日子，一眼弗忖到  
si-go z-ken ih-ngæn feh siang-vông Jing-ming we læ kyi Ngô yia ih-ngæn feh hyiao-teh Yia-su joh-ze-go  
死個事幹，一眼弗想望神明會來救我，也一眼弗曉得耶穌贖罪個  
dao-li Ngô næn-kæn yiu ih-go i-s iao meng ng ts'ing ng wô-hyang ngô dao  
道理。我難間有一個意思要問爾，請爾話向我道。」

[1] 原書此處錯印爲 tön-tin

Li s-meô teng gyi wô Soh-go i-s iao meng ngô ni Ng yüong wô-c'ih-læ peh ngô  
李師母等其話：「啥個意思要問我呢？爾用話出來撥我  
t'ing  
聽。」

Yüô-koh ziu teng Li s-meo wô Ng ts'eng-ts'eng ngô keh-go bing we hao ve S-meo wô  
雅各就等李師母話：「爾忖忖我箇個病會好殮？」師母話：

Ngô z-jün siang-vông ng-go bing we hao-gyi dæn-z ng soh-go i-s meng ngô ni  
「我自然想望爾個病會好其，但是爾啥個意思問我呢？」

Yüô-koh wô Ngô-zi hyiao-teh ngô-go bing ih-ding ve hao ngô hyiao-teh tsæ z ih-hyih ngô pih-ding  
雅各話：「我自曉得我個病一定殮好，我曉得再是一歇我必定  
teng ah-nyiang ah-di tso u-sen ky'i kw'eng-kæn Ah-nyiang teng ah-di yia z-jün we hwun-hyi ngô tao  
等阿孃、阿弟，做烏碎去睏間。阿孃等阿弟也自然會歡喜我到  
gyi-lah-go di-fông ky'i  
其拉個地方去。」

Li s-meo t'ing-meng keh-fæn shih-wô ziu c'ih ngæn-li Yüô-koh k'en-kyin gyi c'ih ngæn-li teng gyi wô  
李師母聽聞箇番說話就出眼淚。雅各看見其出眼淚等其話：

Feh-k'ô k'oh hao-vong pe-shông ngô z feh-p'ô si Ngô si-'eo ziu we hyiang-foh Keh-z ng-zi  
「弗可哭，好留悲傷，我是弗怕死。我死後就會享福。箇是爾自  
coh-kwun teng ngô wô ngô yia læ Sing-shü doh-ko-de Ah-lah Cü Yia-su Kyi-toh z deh-we tao  
只管等我話，我也來《聖書》讀過了。」阿拉主耶穌基督是特爲到  
shü-kæn-zông læ kyi ze-nying ngô z ih-go ze-nying Yia-su tsong we kyi ngô s-teh ngô hao  
世間上來救罪人。我是一個罪人，耶穌總會救我，使得我好  
hyiang-foh sô-yi ngô ih-ngæn feh-p'ô si Ngô z ting æ-kying keh-we ting dz-pe-go Kyiu-cü m-kyi-z  
享福，所以我一眼弗怕死。我是頂愛敬箇位頂慈悲個救主，嘸幾時  
ngô we ky'i k'en-kyin Gyi Læ Gyi-go u-sen ngô yia we tsæ p'ong-djoh ah-nyiang teng ah-di Tsiang-læ  
我會去看見其。來其個烏碎我也會再碰着阿孃<sup>[1]</sup>等阿弟。將來  
s-meo tao keh go di-fông ngô yia we teng ng tsæ siang-we Næn-kæn ngô yiu ih-ying z-ken iao t'oh-t'oh ng  
師母到箇個地方我也會等爾再相會。難間我有一樣事幹要託託爾。  
Ngô si-ts 'eo ng yüong wô-hyang bih-go 'oh-sang-ts dao peh gyi-lah hyiao-teh gyi tu yia pih-ding si  
我死之後爾用話向別個學生子道，撥其拉曉得其都也必定死，  
'oh-tsia ziang ngô nyin-kyi ky'ing 'oh-tsia nyin-kyi dziang-ming z m-su-go dæn-z dzi-tsao gyi-lah tu  
或者像我年紀<sup>[2]</sup>輕，或者年紀長命，是嘸數個。但是遲早其拉都  
pih-ding iao si Sô-yi tu pih-iao z-djông yü-sin be-hao yü-sin siang-sing Kyiu-cü Yia-su tso Gyi-go  
必定要死。所以都必要時常預先備好，預先相信救主耶穌，做其個  
tsing meng-du  
真門徒。」

[1] 原書此處錯印爲 ah-nying

[2] 原書此處錯印爲 myin-kyi

Tsæ deng-zông kyi-nyih Yüô-koh-go bing hyüong-ky'i-læ-de Li s-meo nyih-nyih tao gyi-go oh-li ky'i  
再庵上幾日雅各個病兇起來了。李師母日日到其個屋裏去  
mông-mông gyi kông Sing-shü-go shih-wô en-ŵe gyi sing  
望望其，講《聖書》個說話安慰其心。

Yiu ih-nyih Li s-meo zo-lă gyi min-zông pin-yin Yüô-koh dön-ky'i ky'ü-shü-de Feh-zing si-go zin-deo  
有一日李師母坐來其眠牀邊沿雅各斷氣去世了。弗曾死個前頭  
gyi en-en jün-jün kw'eng-joh 'o-yin yüih-seh ih-ngæn m-neh mô-wông kyi-tsao z-ka en-en sing-sing  
其安安然然咽熟，和顏悅色，一眼嚙得麻惶幾糟，是介安安心心  
ky'i-de  
去了。

Li s-meo teng gyi ngæn-tsing lo-lo-lôh pi-long-ts ziu song gyi tao veng-deo yi feh sô-teh  
李師母等其眼睛擄擄落，閉攏仔，就送其到墳頭，又弗捨得  
gyi yi hwun-hyi gyi yi-kying tao-leh T'in-dông foh-ky'i m-gyüong-dzing-go di-fông  
其，又歡喜其已經到了天堂，福氣嚙窮盡個地方。

## AO-HWE SHIH-HWÔNG KY'IN-TSAO

### 懊悔 說 話 欠 早

YIU ih-go ah-tia ky'ün-ky'ün gyi siao-nying wô Yiu ih-ky'i z-ken ngô djong-sang djong-si ve  
有一個阿爹勸勸其小人，話：「有一起事幹我重生重世殮  
mông-kyi keh-ky'i z-ken ngô næn-kæn we dziang-si kông-peh ng t'ing  
忘記，箇起事幹我難間會詳細講撥爾聽。」

Ngô siao-lă z-tsin ngô-go ah-tia feh-tsiao dza dzih-din ngô pi da-kæ-go ah-tia keng-kô ts'ing-æ  
「我小來時節我個阿爹弗照咋值鈿我，比大概個阿爹更加親愛  
ngô Ngô tao shü-vông-li ky'i doh-shü gyi we bao ngô zông mô-teng teng gyi-zi dô-kô gyi-ts ngô yiu  
我。我到書房裏去讀書其會抱我上馬鐙，等其自大家騎仔。我有  
soh-go siang-vông soh-go sing-siang gyi we pông-dzu ngô hao i-jing ngô iao teh-djoh soh-go tong-si gyi  
啥個想望，啥個心想，其會幫助我好依順。我要得着啥個東西，其  
we ma-peh ngô Ngô keh-go z-'eo feh-tsiao dza en-en-tæn-tæn ko-nyih-ts feh-tsiao dza yiu foh-ky'i  
會買撥我。我箇個時候弗照咋安安耽耽過日子，弗照咋有福氣，  
ngô-go foh-ky'i yia z gyi-go foh-ky'i  
我個福氣也是其個福氣。」

Ka z-tsin ngô nyin-kyi wa tsih-leh ts'ih-shü-de Yiu ih-nyih ah-tia kyü oh-li we næn-ko ngô  
「介時節我年紀還只勒七歲了。有一日阿爹歸屋裏會難過，我  
meo-lao yia z sang-bing tsih-yiu ngô teng liang-go ah-tsi hao tông-dzih gyi  
母老也是生病，只有我等兩個阿姊好當值其。」

Gyi-go bing tsih-we dzin-dzin hyüong-ky'i-lă Keh-sing yiu ming-deo-go i-sang tu ts'ing-pin yia  
「其個病只會漸漸兇起來。箇星有名頭個醫生都請遍，也  
i-feh-hao  
醫弗好。

Yiu ih-nyih tsao t'in-nyiang ngô k'en-kyin gyi-go siang-mao yüh-fah næn-ko ziu tseo-tsing gyi-go vông-li  
「有一日早天亮我看見其個相貌越發難過，就走進其個房裏  
ky'i k'en gyi Keh-tsao gyi teng ngô wô Siao-wæn ngô kyih-mih feh-tsiao dza næn-ko ngô iao ng teng ngô  
去看其。箇遭其等我話：『小娃，我今末弗照咋難過，我要爾等我  
gyi tso ih-nyiang z-ken Læ keh-tsiang coh-teng zông yiu ih-go yiah-fông ng yüong do-ts lih-k'eh peng-tao  
去做一樣事幹。來箇張竹凳上有一個藥方，爾用馱仔立刻奔到  
yiah-tin-li kao-fu Ka sin-sang gyi ziu we coh-yiah peh ng ts'ih feh-k'o yiu-lu yüong kw'a-kw'a ky'i  
藥店裏，交付解先生，其就會捉藥撥爾。切弗可遊路；用快快去，  
kw'a-kw'a læ z-de  
快快來，是了。』

Ngô do-leh fông-ts peng-tao yiah-tin-li lu yiu ih-li ka kwông-kying Tseo-tao-ts yiah-tin  
「我馱勒方子奔到藥店裏。路有一里介光景。走到仔，藥店  
yiu kwæn-kæn yia m-nying læ-tih ing-we z li-pa-nyih-ts  
有關間，也無人來的，因為是禮拜日子。」

Ka sin-sang z deng-læ zi-go oh-li lu wa iao ko-ky'i-tin tsæ-z pun-to li ngô ziu  
「解先生是庵來自個屋裏，路還要過去點，再是半多里。我就  
k'ô-ding cü-i feh-ky'i zing gyi  
柯定主意弗去尋其。」

Keh-tsao tseo-cün-læ ngô lu-li læ-tih tang-sôn dza-go hao we-teh ah-tia Ngô hyiao-teh kông hwông-wô  
「箇遭走轉來我路裏來的打算咋個好回答阿爹。我曉得講謊話  
z ting wá-go tsih-z ts'eng-ts'eng keh-vah z m-shih-fah  
是頂壞個，只是忖忖箇伐是嘸設法。」

Kyü-tao-ts ngô ziu tao ah-tia u-sen ky'i k'en gyi Tseo-tsing gyi vông-li ngô ziu k'en gyi z 'o-jün  
「歸到仔我就到阿爹烏碎去看其。走進其房裏我就看其是和然  
t'ong-sah-de min-k'ong liao-bah ky'i nao-k'oh-deo 'en c'ih-leh t'ong-liu tsing-tsing z t'ong-leh k'o-lin k'en-kyin  
痛煞了，面孔鰓白氣，腦殼頭汗出勒湯流，真正是痛勒可憐。看見  
gyi ka-go siang-mao ngô sing-li ziu ko-feh-ko ky'i ing-we yiah m-neh do-læ  
其介個相貌，我心裏就過弗過去，因為藥嘸得馱來。」

Keh-tsao ah-tia teng ngô wô Ngô-go ng-ts ngô z hyüh-sing siang-vông ng læ ng ky'i  
箇遭阿爹等我，話：「我個兒子，我是血心想望爾來，爾去  
do-go yiah ngô z teng-feh-tao-cü ng yin-dzæ lih-k'eh peh ngô ky'üoh ky'üoh-ts keh-go t'ong iao-bông we  
馱個藥我是等弗到知，爾現在立刻撥我喫，喫仔箇個痛要防會  
ts'ô-tin  
瘥點。」

T'ing-meng-ts ngô ziu be liang-sing tsah-vah deo tsih-we eo-tæn-tao ky'ing-ky'ing ing gyi wô  
「聽聞仔我就被良心責罰，頭只會偃帶倒輕輕應其，話：  
Tia-tia ngô yiah m-neh do-læ Ka sin-sang wô keh-go yiah læ gyi-lah-go tin-li z  
『爹爹，我藥嘸得馱來。解先生話，箇個藥來其拉個店裏是  
m-neh-go  
嘸得個。』」



Ah-tia teng ngô wô Keh tao hyi-gyi Dza-we keh-go yiah læ gyi-lah tin-li m-neh-go  
「阿爹等我話：『箇倒稀奇。咋會箇個藥來其拉店裏嘸得個  
ni Ziu ngæn-tsing ts'ing-ting k'en ngô ôh-ziang yiu-tin nyi-sing ngô tsih-z tæh-tsih ky'ing-yin k'ao-nyü  
呢？』就眼睛清盯看我，惡像有點疑心我。只是單只輕言<sup>[1]</sup>考語  
teng ngô wô Ng k'en ah-tia z-ka læ-tih t'ong-sah z we-leh yiah m-neh ky'üoh ng yiu teh-cü  
等我話：『爾看阿爹是介來的痛煞是爲了藥嘸得喫，爾有得知  
feh  
弗？』」

[1] 原書此處錯印爲 ky'ing-yiu

Ka wô-ts ngô ziu tseo-c'ih-læ sing-li feh-tsiao dza næn-ko Tseo-tao zi-go vông-li ziu long-do  
「介話仔我就走出來，心裏弗照咋難過。走到自個房裏就弄大  
ngæn-li beh-c'ih k'oh feh diao-dzih  
眼淚浮出，哭弗調直。」

Deng ih-hyih yiu nying læ eo ngô iao ngô kw'a-kw'a tao ah-tia u-sen ky'i Tseo-tsing-ts ngô  
「庵一歇有人來謳我，要我快快到阿爹烏碎去。走進仔我  
k'en-kyin liang-go ah-ko teng ah-tsi tu læ min-zông pin-yin lih-kæn ngô yia t'ing-meng ah-tia læ-tih kao-hyüing  
看見兩個阿哥等阿姊都來眠牀邊沿立間，我也聽聞阿爹來的教訓  
gyi kæ z-djông hyiao-jing ah-nyiang kæ tso-nying tön-tsing kwe-kyü kæ i-jing T'in-vu ih-ts'ih-go ts-i ka  
其，該時常孝順阿孃，該做人端正規矩，該依順天父一切個旨意介  
tso  
做。」

Ngô z ah-tia ting-siao-go ng-ts teng gyi-lah pi-læ nyin-kyi ts'ô yiu-ho Keh-go z-'eo gyi  
「我是阿爹頂小個兒子，等其拉比來年紀差有夥。箇個時候其  
pô gyi-go siu en-læ ngô-go deo-zông wô Tsæ-z ih-zông ngô ziu ky'i-de ng z m ah-tia  
把其個手按來我個頭上，話：『再是一晌我就去了，爾是嘸阿爹  
de deng liang-nyih kong-fu ngô iao tsông-læ veng-mo-li ng ih-sang ih-si feh neng-keo tsæ k'en-kyin ngô Ngô  
了，庵兩日工夫我要葬來墳墓裏，爾一生一世弗能夠再看見我。我  
næn-kæn iao ky'ün ng tsong iao tso-nying jing-kwe dao-kyü i-jing T'in-vu-go feng-fu k'en-dzong Kyiu-cü-go  
難間要勸爾總要做人循規蹈矩，依順天父個吩咐，看從救主個<sup>[1]</sup>  
pông-kiang ting iao-kying ih-ngæn feh-k'ô kông hwông-wô kyü-tang-kyü kæ tön-tsing lôh-dzih  
榜樣。頂要緊一眼弗可講謊話，句打句該端正，落直。』」

[1] 原書此處錯印爲 Kyin-cü-go

Keh-tsao ah-tia teng ngô tso tao-kao ts'ih-sing gyiu-k'eng T'in-vu pông-dzu tô-hwô ngô Keh-go  
「箇遭阿爹等我做禱告，切心求懇天父幫助<sup>[1]</sup>朵化我。箇個  
z-'eo ngô sing-li feh-tsiao dza næn-ko ngô ngæn-tsing feh-ken dæ-ky'i k'en ah-tia Ngô z hyiao-teh zi-go  
時候我心裏弗照咋難過，我眼睛弗敢抬起看阿爹。我是曉得自個  
ze tsih-z k'o-sih feh-k'eng tsiao-jing  
罪，只是可惜弗肯招認。」

[1] 原書此處錯印爲 pông-dzn

Deng ih-zông ngô ziu 'ao-li da-k'oh dzong vông-li hweh-r-jün peng-c'ih hao-ziang dao-tseo ka  
「庖一晌我就號淚大哭，從房裏忽而然奔出好像逃走介。」

'Eo-deo yiu nying læ t'ong-cü ngô ah-tia-go bing yü-kô li-'æ-de lin ih-kyü shih-wô tu ve  
後頭有人來通知我阿爹個病愈加厲害了，連一句說話都擔  
kông-de Ngô-go i-s z iao tsæ tao ah-tia-go u-sen ky'i gyiu nyiao-sô ziu ky'ing-ky'ing tseo-tsing ky'i  
講了。我個意思是要再到阿爹個烏碎去求饒赦，就輕輕走進去。  
Ih-tseo-tsing ziu t'ing-meng kyiao-s teng ah-tia læ-tih tso tao-kao Gyi ih-kyü shih-wô ngô üong-sang ve  
一走進就聽聞教師等阿爹來的做禱告。其一句說話我永生擔  
mông-kyi Gyi z-ka wô Gyiu Ng T'in-vu tsiao-kwu keh læ-tih ky'ü-shü-go nying  
忘記。其是介話：『求爾天父<sup>[1]</sup>照顧箇來的去世個人。』

[1] 原書此處錯印爲 T'in-vn

Ngô t'ing-meng keh-kyü shih-wô sing-li feh-tsiao dza næn-ko ziang yiu ts' c'oh ngô ka Ngô ziu  
「我聽聞箇句說話心裏弗照咋難過，像有刺戳我介。我就  
kw'a-kw'a nyiah-leh mao-ts peng-tao Ka sin-sang oh-li ky'i do keh-go yiah yiah ih-kyi teh-djoh-ts ziu sah-k'eo  
快快捏勒帽子奔到解先生屋裏去馱箇個藥。藥一記得着仔就煞口  
'eo-ky'i-lih tsæ peng-tao zi-go oh-li læ Tseo-tsing-ts ziu peng-zông ah-tia-go vông-li do-do sing-hyang  
候氣力再奔到自個屋裏來。走進仔就奔上阿爹個房裏，大大聲響  
eo-ky'i-læ wô Ngô ah-tia ngô ah-tia yiah læ-tong de  
謳起來，話：『我阿爹，我阿爹，藥來東了。』

Tsih-z yiu nying teng ngô wô Feh-k'ô hyiang Keh-tsao ngô k'en-kyin læ ah-tia vông-li-go nying  
「只是有人等我話：『弗可響。箇遭我看見來阿爹房裏個人  
tu ngæn-li beh-c'ih ah-tia zi-go min-k'ong bah-bah-go de tsing-ziang si-go siang-mao ka  
都眼淚淳出，阿爹自個面孔白白個了，正像死個相貌介。』

'Eo-deo ngô teh-cü ngô ting-hao-go ah-tia tsing-tsing z si-de K'ô-sih K'ô-sih ngô teng gyi  
「後頭我得知我頂好個阿爹真正是死了。可惜！可惜！我等其  
sô-kông-go kyih-sah ih-kyü shih-wô z hwông-wô  
所講個結煞一句說話是謊話！」

Keh-tsao ngô k'oh-leh shông-sing ts'eng-ky'i ah-tia-go hao-hao 'ang-i dong-dzing ky'ing-ky'ing  
「箇遭我哭勒傷心，忖起阿爹個好好行意<sup>[1]</sup>動靜，輕輕  
fæn-fæn nyün-nyün siang-siang-go shih-wô teng z-djông dæ ngô-go z-ken yi ts'eng-tao ngô-zi-go  
泛泛，軟軟相相個說話，等時常<sup>[2]</sup>待我個事幹；又忖到我自個  
ze-ky'in we kông hwông-wô p'in-p'in ka hao-go do-nying we ka læn-do feh ky'i do yiah s-teh gyi iao-bông  
罪愆，會講謊話騙騙介好個大人，會介懶惰弗去馱藥，使得其要防

we-leh yiah feh ky'üoh-ts z dön-ky'i-de      Ngô-go ze tsing-tsing z do-do-go      ngô-go pe-shông yia pe-shông  
爲了藥弗喫仔是斷氣了。我個罪真正是大大個，我個悲傷也悲傷  
feh-ko-ky'i-go  
弗過去個。」

[1] 原書此處錯印爲 ang-i

[2] 原書此處錯印爲 z-djong

Tsæ deng liang-nyih ah-tia ziu en-tsông hao-de      Ngô sing-li-go t'ong-kw'u jih-dzæ z tông-feh-ky'i  
「再庇兩日阿爹就安葬好了。我心裏個痛苦實在是擋弗起，  
se yiu deh-ma-go beng-yiu læ kông en-ŵe-go shih-wô      ngô ih-ngæn feh-k'eng t'ing ky'ün      Gyi-lah tu feh hyiao-teh  
雖有特買個朋友來講安慰個說話，我一眼弗肯聽勸。其拉都弗曉得  
ngô sing-li-go djong-tæn      keh-lah feh neng-keo ky'ün-ŵe ngô  
我心裏個重擔，箇拉弗能夠勸慰我。」

Ko-leh kyi-nyih ah-lah zi-kô nying tu tseo-k'æ-de      Gyi-lah en-teng ngô læ ih-zo shü-vông-li  
「過了幾日阿拉自家人都走開了。其拉安頓我來一坐書房裏。  
Yiu jih-nyin-go kong-fu ngô m-neh kyü-tao peng-hyang læ      Ngô læ-ts ziu tseo-tao ah-tia-go veng-deo ky'i  
有十年個工夫我無得歸到本鄉來。我來仔就走倒阿爹個墳頭去  
k'en-siang gyi      Keh-deo ngô ngæ-peh-leng-teng lih-ts k'en-leh pun-nyih  
看相其。箇頭我呆不愣敦立仔看了半日。」

Ngô keh-go z'eo tsih-yiu ih-fæn sing-siang      Ziah-neng-keo eo ah-tia tsæ bô-ky'i      hao gyiu gyi-go  
「我箇個時候只有一番心想。若能夠謳阿爹再爬起，好求其個  
nyiao-sô      ziu-z leng-ts'in leng-væn-go nying-ts ngô tu dzing-nyün do-c'ih      tsih-z ky'in-tsao-de      Gyi-lah  
饒赦，就是論千論萬個銀子我都情願馱出，只是欠早了。求阿爹  
nyiao-sô-go z'eo yi-kying yiu jih-nyin ko-de      Ngô yin-dzæ tsih-hao ao-hwe kæ-ko gyiu-gyiu t'in-zông-go Ah-tia  
饒赦個時候已經有十年過了。我現在只好懊悔改過求天上個阿爹  
æ-lin ngô      pô ngô kông hwông-wô      p'in do-nying-go ze      teng yü-to ih-ts'ih-go ze      tu yüong  
哀憐我，把我講謊話，騙大人個罪，等餘多一切個罪，都用  
Kyi-cü      Yiæ-su-go pao-hyüh gyiang-diao  
救主<sup>[1]</sup>耶穌個寶血澆掉。」

[1] 原書此處錯印爲 Kyin-cü

Næn-kæn ng-lah doh keh-peng shü-go siao-nying      yiu iao-kying-go i-s læ-tih      ngô iao ng-lah we  
難間爾拉讀箇本書個小人，有要緊個意思來的，我要爾拉會  
ts'eng-leh ming-bah      ziu-z      siao-nying yia we væn-ze      yia hao we-be T'in-vu-go feng-fu      yia hao feh-t'ing  
忖勒明白。就是，小人也會犯罪，也好違背天父個吩咐，也好弗聽

zi-go shü-kæn-zông do-nying-go shih-wô Yia fi-dæn keh-sing ze-ky'in we væn-djoh ko-ko siao-nying yia yi-kying  
自個世間上大人個說話。也非但箇星罪愆會犯着，個個小人也已經  
tu væn-djoh-ko-de  
都犯着過了。

Keh-go siao-wæn yiu sæn-jiang ze ming-ming væn-tih ih z we-be Jing-ming-go feng-fu eo gyi  
箇個小娃有三樣罪明明犯的。一、是違背神明個吩咐，謳其  
yüong hyiao-jing vu-meo tsiao ng-diao kyäe sô-wô-tih nyi z kông hwông-wô yia z Jing-ming sô  
用孝順父母，照五條誠所話的<sup>[1]</sup>；二、是講謊話，也是神明所  
u-su-go sæn z feh-we mô-zông ky'i jing-ze gyiu ah-tia-go nyiao-sô  
惡慥個；三、是弗會馬上去認罪，求阿爹個饒赦。

[1] 原書此處錯印爲 sô-wô-tih

Dæn-nyün cong doh keh-peng shü-go siao-nying tu feh-we k'en gyi-go pông-jiang Dæn-nyün T'in-vu we s-lôh  
但願衆讀箇本書個小人都弗會看其個榜樣。但願天父會賜落  
gyi Sing-Ling hao pông-dzu ng-lah tu feh-we kông hwông-wô 'oh-tsia væn-djoh bih-jiang ze-ky'in Jü-ko we-leh  
其聖靈好幫助爾拉都弗會講謊話，或者犯着別樣罪愆。如果爲了  
nyüoh-sing-go nyün-ziah we-leh Mo-kwe-go t'iao-so 'oh-tsia we-leh bih-jiang-kao yün-kwu yiu ze  
肉身個軟弱，爲了魔鬼個<sup>[1]</sup>挑唆<sup>[2]</sup>，或者爲了別樣告緣故有罪  
væn-teh dæn-nyün ng-lah tu we kw'a-kw'a ky'i jing-ze gyiu-gyiu nyiao-sô  
犯得，但願爾拉都會快快去認罪，求求饒赦。

[1] 原書此處錯印爲 Mô-kwe-go

[1] 原書此處錯印爲 t'iao-sô

Tso-nying k'o-pi keh-hæ ko-jiang  
做人可比隔海<sup>[1]</sup>過洋，

[1] 原書此處錯印爲 k'eh-hæ

Hæ-min yi kw'eh yi moh-ts'eh-en  
海面又闊，又墨漆暗；

Ih-sang ih-si k'o-pi z hæ  
一生一世可比是海，

Tao 'ô-si yia k'o-pi zông-ngen  
到下世也可比上岸。

Uô-tông feh-zing we-be Jing-ming  
亞當弗曾違背神明，

Dong-sing k'æ-jün yiu hao-hao t'in  
動身開船有好好天；

Jing-fong wun-wun-leh yang-ky'i-læ  
順風緩緩勒揚起來，

T'in-dông-go mô-deo k'en-leh-kyin  
天堂個碼頭看勒見。

Væn-ze ts-'eo hæ-li tsôh-lông  
犯罪之後海裏作浪，

Gwông-fong ziu teo-deo bih-loh-læ  
狂風就兜頭別落來；

Nyih-deo loh-sæn-de t'in ts'eh-en  
日頭落山了，天漆暗，

Zông t'in-dông hæ-lu s-feh-læ  
上天堂海路駛弗來。

Nyüoh-sing-go s-yüoh ziu-z lông  
肉身個私慾就是浪；

Mang-fong ziu-z mo-kwe mi-'ôh  
猛風<sup>[1]</sup>就是魔鬼迷惑，

[1] 原書此處錯印爲 Mông-fong

Pa ngeo-ziang ziu-z tseo en-lu  
拜偶像就是走暗路；

Jün ngô-tsiao ziu-z nying vah-lôh  
船研礁就是人罰落。

Feh-jün ngô kying-z-ka mih-vông  
弗然我竟是介滅亡，

Ky'ü-leh Jing-ming kah-nga k'æ-eng  
虧勒神明格外開恩；

Yiæ-su lôh-væn læ djün Foh-ing  
耶穌落凡來傳福音，

K'o-pi tin hæ-du-zông t'ah-teng  
可比點海塗上塔燈。

Ng-lah siao-nying nyin-kyi se ky'ing  
爾拉小人年紀雖輕，

Keh-kwun teng-long ng yia k'o tin  
箇管燈籠爾也可點；

Yia k'o-yi ky'ün bih-nying hwe-kæ  
也可以勸別人<sup>[1]</sup>悔改，

[1] 原書此處錯印爲 bih-nyng

Siang-sing Yiæ-su dô-kô zông t'in  
相信耶穌大家上天。

CONG  
終。